

邵阳何氏重修族谱序言

长江之源发于岷山也孔子所谓始於濫觴及涌而為津渚而為澤汪洋浩瀚放於吳楚數千里之遙東入於海稱為天塹夸父之杖化為鄧林也老子所謂生於毫末既而發揚滋長蓊蔚扶疏或高數十尋或廣十數畝榱桷杞梓出乎其中其材木不可勝用嗚呼自微之著積小成大萬物有同然者嚴塘何氏邵阳巨族也生齒口繁散處別村別縣并計戶口一萬有奇溯其始祖元善公則前明教授官寶慶以邵阳附郭邑習其風土因而卜居亦謂召公棠舍朱邑桐鄉可為一枝之寄耳詎料其子孫蕃衍如此哉歷時五百余年傳祚二十余世愈悠久愈熾昌是猶岷山之泉鄧林之樹矣夫皋陶庭堅不祀忽諸明德之胄有式微者邇 元善公慶流後裔支派綿延迄今已逾盈數何其盛欤唯人多則類不一地隔則慎鮮通其睦族也甚難天子諸侯宗正有官玉牒有館專司屬籍所以親親者綦詳故眾無弗周遠無弗屆士庶人唯賴有此譜以序昭穆而立紀綱否則志乘無稽恩禮罕接即讀書明理之士亦不辨孰為伯叔行孰為兄弟行無怪什伯庸眾視為行路也何氏族譜修於乾隆年間至咸豐六年分修房譜

而族谱阙如易之家人受之以睽即受之以蹇圣人垂戒之意深矣寿泉明经乃与 清亮杏春
石安榛齐 商榷即就房谱联为族谱纂辑首尾以成全书众论协然越三年告竣由是离者复合断者复续凡 元善公所自出虽在异井殊乡莫不同条共贯统於一尊记曰尊祖故敬宗岁时伏腊之往来祭祀宴享之酬酢老吾老长吾长幼吾幼孝友慈爱自流露於不知闾族跻於肃雍化其畛域之见则谱之所系顾不重耶至周恤贫乏振拔孤寒俾衣食无虞进取有路仰慰

元善公垂裕之意是为同谱义不容辞者宋宰相何执中斥钱万置缗产以贍宗族家法足以千古何氏门户方兴必有起而继其美者请以余言质之

诰授光禄大夫 紫禁城骑马

赏戴花翎头品顶戴硕勇巴图鲁前兵部尚书都察院右都御史钦差大臣两江总督兼管两淮盐政兼理河漕事务加十级纪录十次

新宁刘坤一拜谨

四修重录

五修再录

六修又录